



ԵԿԵՂԵՑԱԿԱՆ ԲԵՄ. ԼՈՒՐԵՐ

Օգոստոսի 1-ին, երեքշաբթի.—Այսօր Վեհափառ Հայրապետը մեկնեց Կիլովոդսկ, մոտ մեկ ամիս տեղի «Կրասնըն կամնի» առողջարանում հանգստանալու համար:

Նորին Սրբությանը ուղեկցում էր Արևմտյան Գերմանիայի հայոց հոգևոր հովիվ և Մայր Աթոռի միաբան տ. Գարեգին աբեղա Ներսիսյանը:

Օգոստոսի 6-ին, կիրակի.—Այսօր Մայր տաճարում, Ավագ սեղանի վրա, ա. պատարագ է մատուցում տ. Կոմիտաս աբեղա Հովնանյանը և «Հայր մեր»-ից առաջ քարոզում «Երանի որ խորհի գաղթատն և գտնանկն, յաւոր չարի փրկէ զնա Տէր» (Սաղմ. Խ 2) քնաբանով:

Օգոստոսի 8-ին, երեքշաբթի.—Այսօր, առավոտյան, Մայր Աթոռի միաբանները և հոգևոր ճեմարանի ուսանողները մեկնում են մեկօրյա շրջապտույտի դեպի Սևանա լիճ:

Նույն օրը, երեկոյան, Ամերիկա է մեկնում շուրջ երկու շաբաթ ուխտավորաբար Մայր Աթոռում գտնվող տ. Սիոն արքեպիսկոպոս Մանուկյանը:

Սրբազան հորը օղանավակսյանում ճանապարհեցին Մայր տաճարի լուսարարապետ տ. Հուսիկ եպիսկոպոս Սանթրուրյանը և Բյուզանդ արկ. Գալալջյանը:

Օգոստոսի 13-ին, կիրակի.—Վերափոխումն սուրբ Աստուածածնի.

Այսօր Մայր տաճարում, Ավագ սեղանի վրա, ա. պատարագ է մատուցում Վրաստանի հայոց թեմի առաջնորդ տ. Գևորգ եպիսկոպոս Սերայդարյանը:

Ս. պատարագի վերջում կատարվում է «Օրհնութիւն խաղողոյ»:

Օգոստոսի 14-ին, երկուշաբթի.—Յիշատակ մեռելոց.

Այսօր Մայր տաճարում, Ավագ սեղանի վրա, ա. պատարագ է մատուցում տ. Եղիշե քահանա Բաղդամյանը:

Ա. պատարագի ավարտին կատարվում է հոգեհանգստյան պաշտոն՝ «վասն համօրէն անջեցեղոց»:

*
*
*

Օգոստոսի 20-ին, կիրակի.—Այսօր Մայր տաճարում, Ավագ սեղանի վրա, ս. պատարագ է մատուցում տ. Մովսէս վարդապետ Սարգսյանը և «Հայր մեր»-ից առաջ քարոզում «Եկաք առ իս ամենայն վատականալք եւ բեռնատրք, եւ ես հանգուցից զձեզ» (Մատթ. ԺԱ 29) բնաբանով:

*
*
*

Օգոստոսի 22-ին, երեքշաբթի.—Այսօր հոգևոր ճեմարանի ուսանողները դարձյալ մեկնեցին մեկօրյա շրջապտույտի դեպի Սեփանա լիճ:

*
*
*

Օգոստոսի 25-ին, ուրբաթ.—Այսօր, երեկոյան, Կիսովորակում շուրջ մեկ ամիս հանգստանալուց հետո, Մայր Աթոռ է վերադառնում Վեհափառ Հայրապետը:

*
*
*

Օգոստոսի 27-ին, կիրակի.—Տօն գիտի գոտույ Սրբուհոյ Աստուածածնի:

Այսօր Մայր տաճարում, Ավագ սեղանի վրա, ս. պատարագ է մատուցում ուխտավորաբար Մայր Աթոռում գտնվող Ավարայի և Նոր Զելանդիայի հայոց թեմի առաջնորդական փոխանորդ տ. Աղան ծ. վրդ. Պալիոզյանը:

«Հայր մեր»-ից առաջ քարոզում է Վեհափառ Հայրապետը՝ խոսելով ընդհանուր քրիստոնեական եկեղեցիների բարեկամության և էկումենիկ շարժման նշանակության և կարևորության մասին:

*
*
*

Օգոստոսի 30-ին, չորեքշաբթի.—Այսօր, երեկոյան, Վեհարանում տեղի է ունենում միաբանական հավաքույթ՝ նախագահությամբ Վեհափառ Հայրապետի:

*
*
*

Սեպտեմբերի 1-ին, ուրբաթ.—Այսօր, երեկոյան, Վեհարանում, Վեհափառ Հայրապետի նախագահությամբ, գումարվում է Գերագույն հոգևոր խորհրդի հերթական նիստ:

*
*
*

Սեպտեմբերի 5-ին, կիրակի.—Այսօր Մայր տաճարում, Ավագ սեղանի վրա, ս. պատարագ է մատուցում Արևմտյան Գերմանիայի հայոց հոգևոր հովիվ տ. Գարեգին արեղա Ներսիսյանը և «Հայր մեր»-ից առաջ քարոզում «Երկինք պատմեն զփառս Աստուծոյ» (Սաղմ. ԺԸ 2) բնաբանով:

Սուրբ պատարագին ներկա էր Վեհափառ Հայրապետը:

*
*
*

Սեպտեմբերի 6-ին, չորեքշաբթի.—Այսօր, երեկոյան, Բյուրականի «Հայկաշէն» հայրապետական ամստանցում տեղի է ունենում միաբանական հերթական հավաքույթ՝ նախագահությամբ Վեհափառ Հայրապետի:

Հավաքույթի սկզբում Վեհափառ Հայրապետը խոսում է մեր եկեղեցու ներքին թեմերի գործունեության կարևորության և նշանակության մասին: Իսկ հետո Լոնդոնից ուխտավորաբար Մայր Աթոռում գլուհավոր տ. Հայկազուն արեղա Նաջարյանը ներկայացնում է Վեհափառ Հայրապետի այս տարի հունիսին Ժնևում ԵՀԽ-ի նիստին արտասանած ճառը:

Վերջում կատարվում է մտքերի փոխանակում:

*
*
*

Սեպտեմբերի 8-ին, ուրբաթ.—Այսօր, ամսվոյան ժամը 10.30-ին, Մայր Աթոռի հոգևոր ճեմարանի հանդիսությանց դահլիճում տեղի է ունենում 1978—1979 ուսումնական տարեշրջանի բացումը՝ նախագահությամբ Վեհափառ Հայրապետի:

Հանդիսությունը բաց է անում հոգևոր ճեմարանի տեսուչ տ. Հովհաննես ավագ քհն. Մարությանը:

Օրհնության խոսքով հանդես է գալիս Հայոց Հայրապետը:

Հոգևոր ճեմարանի այս տարվա ուսանողությունը բաղկացած է 33 հոգուց՝ բաժանված 4 դասարանների:

Ա. դասարան՝ 8 ուսանող.

Գ. դասարան՝ 12 ուսանող.

Բ. լսարան՝ 5 ուսանող.

Գ. լսարան՝ 8 ուսանող:

Սեպտեմբերի 9-ին, շաբաթ օրը, ամսվոյան ժամը 9.30-ին, հոգևոր ճեմարանի հարկից ներս հնչում է ուսումնական տարվա սկիզբն ազդարարող ավանդական առաջին զանգը, և կանոնավոր սկսվում են դասավանդությունները:

*
* *

Սեպտեմբերի 10-ին, կիրակի.—Այսօր Մայր տաճարում, Ավագ սեղանի վրա, ս. պատարագ է մատուցում տ. Հայկազուն աբեղա Նաջարյանը և «Հայր մեր»-ից առաջ քարոզում՝ նյութ ունենալով օրվա սուրբ գրական ընթերցումներից հացի բազմացումը և հինգ հազարի կերակրումը:

Հավարտ ս. պատարագի, Վեհափառ Հայրապետի նախագահությամբ, կատարվում է հոգեհանգստյան պաշտոն՝ Լիբանանի հայոց թեմի առաջնորդ տ. Տաճատ արքեպ. Ուրֆալյանի և ռուս եկեղեցու բարձրատիճան հոգևորական Լենինգրադի տ. Նիկողիմ միսորոպոլիտի համար:

*
* *

Սեպտեմբերի 18-ին, չորեքշաբթի.—Այսօր, երեկոյան, Վեհարանում, Վեհափառ Հայրապետի նախագահությամբ, տեղի է ունենում միաբանական հերթական հավաքույթ, որի ընթացքում կատարվում է մրտքերի փոխանակում գիտության և կրոնի փոխհարաբերությունների մասին:

*
* *

Սեպտեմբերի 15-ին, ուրբաթ.—Այսօր, երեկոյան, հոգևոր ճեմարանի հանդիսությանց դափնիճում տեղի է ունենում դասախոսություն, որի ընթացքում տ. Հայկազուն աբեղա Նաջարյանը խոսում է Լոնդոնի «Քինգս քոլեջ»-ի ուսումնական ծրագրերի մասին, հատկապես Հին և Նոր Կտակարանների որոշ գրքերի ներածության և մեկնության դասավանդման վրա:

*
* *

Սեպտեմբերի 16-ին, շաբաթ.—Այսօր, կեսօրվա ժամը 12-ին, պաշտոնական այ-

ցով Հայաստանում գտնվող ԱՄՆ-ի մի շարք քաղաքների քաղաքապետներ այցելեցին Վեհափառ Հայրապետին:

Հայոց Հայրապետի և մեծարգո հյուրերի միջև տեղի ունեցավ ջերմ զրույց՝ բարեկամական մթնոլորտում:

Նույն օրը, երեկոյան ժամը 19-ին, Մայր տաճարում տեղի է ունենում տեղադրված նոր երգեհոնի բացմանը նվիրված երգեհոնային հոգևոր համերգ՝ Բոստոնի (ԱՄՆ) սիմֆոնիկ նվագախմբի երգեհոնահար Պերճ ժամկոչյանի կատարմամբ:

Մայր տաճարի նոր երգեհոնի բարերարն է փարիզահայ ժիրայր Մանասյանը:

Վերջերս ս. Սարգիս եկեղեցում ևս տեղադրվեց երգեհոն՝ բարերարությամբ լոնդոնաքնակ Ժորժ և Հովհաննես Քյուրքչյան եղբայրների:

*
* *

Սեպտեմբերի 17-ին, կիրակի.—Խաչվերաց.

Այսօր Մայր տաճարում, Ավագ սեղանի վրա, հանդիսավոր ս. պատարագ է մատուցում տ. Արսեն եպս. Բերքերյանը և «Հայր մեր»-ից առաջ քարոզում օրվա տոնի պատմական նշանակության մասին:

Ս. պատարագին ներկա էր Վեհափառ Հայրապետը:

«Յերեկոյին կատարի թափօր խաչվերացի»:

*
* *

Սեպտեմբերի 18-ին, երկուշաբթի.—Յիշատակ մեռելոց.

Այսօր Մայր տաճարում, Ավագ սեղանի վրա, ս. պատարագ է մատուցում տ. Մանուկ քհն. Մարգարյանը:

Հավարտ ս. պատարագի կատարվում է հոգեհանգստյան պաշտոն՝ «վասն համօրէն ննջեցելոց»:

